

LA HISTORIO DI PETRO KUNDIKLO



da
Beatrix Potter

Unesme publisita 1902

Ica tradukuro

Creative Commons 2023 by Brian E. Drake
Attribution-NonCommercial-ShareAlike 4.0 Unported
International

The Oxford Rationalist
56 Albany Street
Oxford, NY 13830 USA
(607) 843-2636
brian.eric.drake@gmail.com

La Historio di Petro Kuniklo

da
Beatrix Potter



tradukita da
Brian E. Drake





O LIM esis quar kunikleti, e lia nomi
esis—

Flopsi,
Mopsi,
Kotono-Kaudo,
e Petro.

Li habitis kun sua Matro en sablo-
strato sub la radiko di tre granda abieto.



NU, mea kari,” ulamatine dicis olda siorino Kuniklo, “vi darfas irar aden la agri o segun la voyeto, ma ne irez aden la gardeno di siorulo McGregor: via Patro ibe renkontris kalamitato; il pozesis aden tarto da siorino McGregor.”



NUN irez, e ne facez malaji. Me
ekiras.”



LORE olda siorino Kuniklo prenis
korbo e sua parapluvo, ed iris tra la
foresto a la bakisto. El kompris bruna
pano e kin kasiso-brioichi.




FLOPSI, Mopsi, e Kotonno-Kaudo, qui
esis bona kunikleti, iris alonge la
voyeto por rekoltar rov-beri.



MA PETRO, qua esis tre
desobediema, quik kuris a la
gardeno di siorulo McGregor, e klemis su
sub la pordeto!

KOMENCE il manjis latugi e Franca
fabi; e pose il manjis ula rafaneti;



P^OSE, kelke malada, il iris por serchar
petroselo.





MA CIRKUM la terminajo di
kukombro-framo, quan il
renkontris? Siorulo McGregor!



SIORULO McGregor esis sur sua
manui e genui e plantacis yuna kauli,
ma il saltante staceskis e kuris vers Petro,
agitante rastilo e kriante, “Haltez,
furtero!”



PETRO esis terorinde pavorigita; il
hastis tra la tota gardeno, nam il
obliviabis la voyo a la pordeto.

Il perdis un de sua shui inter la kauli, e
la altra inter la potati.



PERDINTE oli, il kuris per la quar
gambi ed iris plu rapide, por ke me
opinionas ke il forsan tote eskapabus se il
desfortunoze ne kurabis aden grozelo-
reto, ed esabis kaptata per la granda
butoni di sua vestono. Ol esis blua
vestono havanta latuna butoni, tre nova.



PETRO supozis su perisor, e ploris
granda lakrimi; ma ilua singluti
audesis da ula amikala paseri, qui multe
ecitate flugis ad il ed imploris ke il penez
eskapar.



S IORULO McGregor venis tenante
kriblo, quan il intencis pozar adsuper
Petro; ma Petro ta-instante tordante
liberigis su, e livis sua vestono dop il.



ED IL hastis aden la utensil-hangaro, e
saltis aden arozilo. To esabus belega
koko en qua celar su, se ol ne havabus
tante multa aquo en ol.



Siorulo McGregor esis tre certa ke Petro celas su ulaloke en la utensilhangaro, forsan sub flor-vazo. Il sorgeme renverseskis oli, regardis sub singla de oli.

Balde Petro sternutis—"Kertishoo!" siorulo McGregor quik persequis il,



ED IL esforcis pozar sua pedo adsur
Petro, qua saltis tra fenestro,
renversante tri planti. La fenestro esis tro
mikra por siorulo McGregor, ed il
fatigesis pro persequar Petro. Il
rikomencis sua laboro.



Petro sideskis por repozar; il anhelis e tremis pro pavoro, ed il havis nula nociono adube irar. Il anke esis tre humida pro sidir en ta arozilo.

Pos kelka tempo il vageskis—lipiti, lipiti—ne tro rapide, dum cirkume REGARDAR.




Il trovis pordo en muro; ma ol esis
riglo-klozita, ed esis nula spaco por ke
grasoza kuniklete klemmez su sub ol.

Olda muso kuradis aden ed adexter
sur la petra solio portante pizi e fabi a sua
familio en la foresto. Petro questionis el
pri la voyo a la pordeto, ma el portis tante
granda pizo en la boko ke el ne povis
responder. El nur agitis sua kapo ye il.
Petro ploreskis.



P^OSE il esforcis trovar voyo direte trans la gardeno, ma il esis sempre plu perplexa. Balde il venis a lageto ube siorulo McGregor plenigas sua arozili. Blanka kato regardegis orfishi, el sidis tre, tre senmove, ma de tempo a tempo la extremajo di sua kaudo konvulsis quale se ol vivas. Petro opinionis ke il plu bone forirez sen parolar ad el; il audabis pri kati de sua kuzino, mikra Benjamin Kunikleto.



IL RETROIRIS vers la utensil-hangaro,
ma subite, tre proxime, il audis la
bruiso di hauo—scr-r-ritch, scratch,
scratch, scritch. Petro precipitoze fugis
adsub la arbusti. Ma balde, pro ke nulo
eventis, il ekvenis, e klimis adsur brueto e
strabante ekregardis. La unesma kozo
vidata esis siorulo McGregor hauaganta.
Ilua dorso turnesis vers Petro, ed ultre il
esis la pordeto!



PETRO tre nelaute klimis ek la brueto;
e kureskis tam rapide kam posible
alonge la rekta aleo dop ula kasisieri.

Siorulo McGregor videtis il ye la
angulo, ma Petro ne suciis. Il eskapis sub
la pordeto, ed esis tandem sekura en la
foresto exter la gardeno.



Siorulo McGregor pendigis la vestoneto e la shui kom terorigilo por timigar la merli.

Petro nultempe cesis kurar nek regardis addope til ke il venis a sua hemo sub la granda abieto.



IL ESIS tante fatigita ke il jetis su adsur
la bela e mola sablo sur la pavimento
di la kuniklo-truo e klozis sua okuli. Ilua
matro esis okupata per koquar; el esis
kurioza pri to quon il facabis pri sua
vesti. To esis la duesma vestoneto e paro
de shui perdita da Petro dum du semani!



Me regretas dicar ke Petro ne
standis tro bone tavespere.

Ilua matro enlitigis il, e preparis
kamomil-teo; ed el donis dozo de ol a
Petro!

“Un kulieredo glutata ye dorm-horo.”



MA FLOPSI, Mopsi, e Kotonokaudo dineis per pano e lakto e rov-beri.

FINO